



對山集卷之四

七言古詩

醉別王侍郎歌

侍郎王公儘以都御史撫關中上疏乞休因援筆賦此以送

春陽遲遲倉庚鳴我公東歸旌旆揚蒸黎連絡啼路傍慈母欲去安所望塞帷拔駕心皇皇行道之人咸感傷繫自我公來撫堂吏就典列民用襄劑量伸縮心百方拯拯提絜如被戲使者冠蓋徒相仍固閉不得爲民殃文移反覆千萬箱借措却惱司空郎公身

雖去德在民公德在民民乃心忘撥拾民意述此章惟  
公保愛履嘉祥華山高高摩窮蒼天河透迤接扶桑  
西土令聞同窮長秦民世世賴休光  
天子仁聖思股肱公當不久還巖廊公德旁布四海  
康千秋萬歲永壽昌

南野草堂作

南野草堂春可憐我來坐之心灑然名花芳草秀如  
織翠壁蒼崖當坐懸主人本是清狂客築居故與塵  
氛隔興來吟望夕未休素心淵思誰能測坐間嘆汝  
青雲姿正好彈冠向盛時胸中已富書萬卷射策君  
門誰更奇何爲苦向此中隱笑殺長安輕薄兒君家  
閔閔世無比襄毅高風貫青史兩兄一弟並雲霄憐  
君尚且沉桑梓 天子垂紳需俊才諸生奮翼秋  
風裏佇看四鳳起殺函豈獨光輝照閭里

陌底

陌底之南河北隈木末駢駢雙騎來寒輿致語意益  
謹手出新詩凡數開高陵夫子謫居此俗易風移世  
莫比以我十年不覲情相見何須論庖廐

襲桂堂

君家襲桂蓋三世沙合發源來自今昌朝培植復堅

厚一脉分流誠已深清河含秘不自析乃至省庵光  
 有赫起家何必尚書郎卒業先沾薛蘿澤地下修文  
 痛卜商平生盡付西臺客西臺御史才且雄不但文  
 章齊數公笑語立剗天下事交遊獨見古人風紛紛  
 弟姪俱英俊雲霄豈滯風雷信始信君家世德長等  
 閑土謝何勞問桂樹千株列桂堂桂影參差浮日光  
 太華峰頭望南楚千古猶聞丹桂香

唐氏孔懷詩卷

春令飛飛上天願言思之摧肺肝山可墮兮淚可  
 乾千秋萬歲徒永嘆懿名令譽矢弗諉鱗脯鳳腊安

是言

王總制維綱凱還歌

秋風清秋草黃胡馬橫飛矚河梁材官奮擊胡馬盡  
 幕下生致月氏王憶昔先皇全盛時六龍結駕親出  
 師朔方健兒佩金虎人人思奪胡馬騎胡來趨趨其  
 旋如雷萬夫發弩不能一摧豈知神武本不殺喜功  
 不至胡為哉吾聞天子之守在四夷爪牙之士皆熊  
 羆朝中但有荆山老莫怕邊風疊鼓鼙

春莫嘆

今日復春莫芳華能幾時今人不見昔人樂今人之

樂昔豈知巖泉沸沸沼翠微我坐溪頭看絮飛輕風  
依約杳無定明日相逢安可知去年謾作華山客對  
食不能心自惜此時空作山中人閑情人事仍相迫  
苦憶同袍三四君卽有稀聲誰更聞不如殺雞飲美  
酒醉時遙望南山雲

答太微濟西行

結廬事場藿徒欲食其力世人那能知謂我謝親懼  
平生無遐思長往將安極種樹森森高插天栽花謾  
喜多穠色苟使徜徉終此身敢向長天振雙翼諸君  
義氣如古人訪予幽壑滯芳春興豪那憚三百里筆

落欲掃千人軍五石和紫芝曲我草北山文層臺日夕  
雲霞動嘯弄清波漾綵紋盧女當絃歌白紵飛花飄  
上石榴裙於時君醉我起舞空林鶯燕如相語眼底  
韶華取次休人生適意能幾許往者閑遊翰墨場羣  
公以我似班揚雕蟲徒使爲身累安知山林歲月有  
此長我家桑落近所少與君斟酌各千觴安石東山  
已塵蹟後人詎識吾曹狂君不見葛洪苦莫不死藥  
從今紅顏坐消爍長生有法遇者難不如逢暇先行  
樂逝水無廻波層魚無縱躍徘徊歌汝濟西行却把  
空鞵笑東郭

洪東執圃作

我非漢陰叟灌園漳水東處世本無機巧心胡爲枯  
槁懸此中園丁再拜向我語此意千古誰可通舟車  
亦是古帝作胡不辭去存古風言者自有託讀者自  
無窮坂泉之戰至今誦安用區區矢與弓

九月十九日步過許西作

老夫今日來許西許西蕭條與土齊庭垣半倒堦圯  
折孤鳥嗷嗷深樹啼昔余治此望終老常携稚子尋  
梨棗二十年來百志違山妻謝去兒復夭遺我伶仃  
樂思無此身雖存骨肉踈行吟水際力已憊况謂能  
生千里駒憶昔弘治歲乙卯山妻結髮慈幃好兒女  
滿前歡笑多朝夕承顏更何惱今日荼毒結我腸萬  
事過眼俱草草繁憂苦人驅遣難因擁籃輿過此間  
那知破碎忽如此今予坐嘆淚潺湲

古人慎恒節行

古人慎恒節今人重虛名蓋棺事乃定虛名終底成  
年譜家乘死後物人人傳刻人人輕那知身去事委  
地蛛網罅門親者避製作徒爲覆瓿才喧轟真似兒  
童戲臨風三嘆欲語羞丈夫處世何須是請看李杜  
偃蹇徒千秋萬古安能弊

華山贈成質夫北上

與君一別常十年向來少壯今何有對酒因君一放  
歌大飲何須論升斗嗟君中外多駁歷在在因之作  
欣戚黃霸安能滯潁川亞夫真可威羗狄關中凋弊  
不忍言災沴既多公事繁百姓無能飽禾黍萬乘徒  
聞推溢息男號女啼隨處有徒以含哺望慈母含哺  
幾時君復行蒼生失望空襄首君今北上謁承明會  
遣歌謠滿玉京回天事業在今日莫羨烟波漁父名  
華州贈成子商子商質夫之子希尹舉人也  
通家子弟多後才羨汝獨出恒羣外前日長安偶見

之頃令老朽心增快眉宇娟娟日麗秋襟期冉冉烟  
扶藹文學承家早占科南宮暫屈吾何恠要使高飛  
接太清寧容小就同常解我歌送汝華山陰聊見尊  
翁故舊心丈夫稽古須努力况是虞庭重翰林

簡華巖

常作華山遊遂爲華山客愛君小樓當華山日日開  
簾玩山色偶逢方平跨霍來握手而語若有得便欲  
同君鍊九霞勿使紅顏坐銷歇

答趙翁

爾本幽棲者訪予何太頻共坐感君意因出詩西春

許西春酒世難見與君斟酌寄情親昔年李白在宣  
國往來惟愛敬亭人丈夫心事遽難說看爾豈是尋  
常倫明朝莫惜再相過尚有甕頭三斗醇

雨晴

雨中看山好雨過山益佳笑予愛山久成癖竟日偃  
蹇坐山齋山色穠淡俱有態變化不但雲與霧此身  
安能生羽翼因之南去視丹崖神仙雖有法未得玄  
鶴安肯降我階唯待勾漏鍊砂熟却共盧敖遊月街

周子厚山方伯二子歌

厚山兒子真絕奇延齡延靖俱白眉春初我過飲其  
宅滿眼何啻瓊與芝精神清徹神氣足回視諸曹皆  
碌碌小兒七歲不畏人大兒十歲覓書讀麟角鳳毛  
理如此昔日恠底言橋梓大器豈惟科目才橫飛不  
但箕裘耳厚山厚山當自知世人幾人如此兒佇看  
得意雲霄上始信拾遺二子辭

費時懋竹屏歌

君家竹樹上于霄喜予東邁時能至戶牖常看拂翠  
雲庭階每坐生芳思屏中主人逸少姿風流磊落誰  
能似賓客如逢蕭史來馮君莫話乘鸞事

送鐵峰先生還蜀



鐵峰先生古遺直  
無仕關中歲三十  
深仁厚德被蒸  
黎謹言正論違  
權執一朝拂袖  
返巴渝兒童走  
逐翁  
垂泣新來風俗  
絕可憂沽名掠  
美號清流朝更  
夕改  
政事擾戾氣軫  
歲民何尤先生  
見此殊嘆息君  
子靖  
恭良有謀富貴  
於人若浮垢先  
生歸去頗何厚  
在  
知有幾人存回  
首丘園無限春  
兒孫滿眼盡蘭  
玉况  
有松醪雲子尊  
松醪故出漢江  
潯餞子還山莫  
厭斟  
前溪倘遇赤松  
子試與彈碁言  
我心

送張純夫還山東待次

關內分巡幾人好弘治初年唯孟陳迤邐及今有張

子三君挺立孰可倫  
繫予北歸戊辰莫  
眼底紛紛盡  
乖誤向人每道兩  
君奇因歎佳期卒  
難遇詎意蕭條  
三十年俄得逢君  
清渭川安詳鎮靜  
有恒度官吏不  
擾民無冤郡邑積  
弊待一掃百事過  
眼俱了了豺狼  
窟伏闖闖清身任  
艱危薄夫惱名公  
自欲私所援倚  
伏之間貴微渺雄  
談立奪英俊思豈  
似當年傾蓋時  
黎庶自說簡易理  
道路難欺誠偽辭

夫子虛心行慶賞  
家宰倉皇根所上  
高才大器反不及  
百枉千箱是何狀  
今日君歸春正深  
且醉西園翠  
竹林不須拂袖謝  
人世  
聖主方思清廟音

五言律詩

送張用亨還渭源

自與用亨別匆匆今七秋才因當世出名為老夫流  
時序青陽轉乾坤淑氣浮英雄需治亂不可更淹留  
同年劉丹稜見過道及已未下第會明盟津塗  
中事感而賦此

自別河陽驛於今二十年轟厖憂正急傾覆意常懸  
共濟歡無極同歸事可憐此時俱尚老語及欲潸然  
寄李宗易

許西多逸興日日白鷗來種竹勿遮屋看山豈用臺

有時調舞鶴終夜醉新醅何為蘇門客招遊不可期  
示昭胤

六齡吾已學十九即知名尚乏研精力空歎賢俊聲  
志惟從傲失業以積陰成良覲無多暇修途較爾征  
送郭玉西還

病酒動經月君來慰我思青宜日淫雨小閣愔當時  
世重梁州舞予嫌子夜詞還家逢女伴不可鬪蛾眉  
盤屋白龍廟明叔冥集

自畏客行久那知高宴張小杯遲暝月佳會托龍堂  
細雨煩絲竹涼雲護酒漿但拚今日醉莫笑楚人狂

使君江海客詞賦若班揚  
恣我山林僻常投瓊玉章  
羣公俱俊逸高宴復徜徉  
他日如相訪携壺太乙傍

卽事

白馬誰家子鳴鞭馳綠楊  
倡樓隣大道寶鏡炫流光  
次心意延歌舞隨風詠鳳皇  
酒酣拔劍去平地若雲翔

送劉天澤官荆門

君向荆門去草堂春正初  
相逢皆老大告別又須更  
對酒慚元亮臨文羨子虛  
茂陵終愛賦休草絕交書

八月初十日仲脩見過

長安相餞後倏忽又秋風  
伏枕渾三月徵醫賴兩公

世人憎賈傳予意得王充  
努力趣吾道乾坤若轉蓬

釀酒

吾道仍須酒秋分釀更宜  
便當炊白石猶未足千卮  
行樂年空暮聞歌日尚遲  
風流杜陵老傾倒是吾師  
盤屋鄭公祠集示張王二君

鄭公昔宰邑惠政至今傳  
與子同來此清風信有然  
元宵逢雅會春夕倡茲篇  
吏事久方定悠悠懷昔賢  
答明叔孟獨二子之贈

寂寞楊雲舍春風兩妙過  
新詩題素壁逸興入烟蘿  
杯帶寒潭淺山臨夕照多  
尚能陪杖屨同坐汴東莎

懷太微

太微清苦士弱冠卽知名英氣千人廢新詩四座驚  
愛身辭一芥當士陋諸生可惜龍光劍悠悠閉斗城  
雨中懷德充

歲歲繁秋雨霏霏定幾時喜得消酷暑遮莫如花枝  
對酒無良覲行吟得小詩嘉州何日至與爾足襟期

西原眺望

久坐成踈懶無曾郊外行今晨餞征客佳勝偶相迎  
山自岐梁合雲從鄜杜生始知歸鳥賦不是賤功名

渭南道中

雲霾千里合風霧益駸駸忽見征衫濕方知春雪深  
新豐非舊酒繡領得微吟應咲歌胡子知予物外心  
病中喜德一德清兩弟來問

吾弟遠相問老夫更何憂關心饒涕淚倚榻嘆淹留  
華嶽歸非暮長安醉不休已令踈杜伯從此效岐周  
答伯循

抱病卧林壑思君安可親忽蒙枉書札便已愜心神  
曲藝竟何益虛名常愧人泝東有垂柳堪送百年身  
有懷金可卿

懷人那可見幽思欲三更明滅草堂月短長鴻鴈聲

關河千里意猷猷一生情何日同君去因之遊代山屏  
喜仲默至

二月高陵縣逢君發慶陽十年方邂逅百歲幾徜徉  
詞賦名須久安危望已長青尊今夜月好醉許西堂

歲暮

歲暮自行酌蕭條誰共吟江梅還不吐霜鬢獨相侵  
愛弟書難至山妻病苦深何當乘羽翰飛向海東岑

懷明叔

三月終南下同君足勝遊沿溪看碧巘乘月步丹丘  
一自歸城市常時帶去留空將百壺酒未解寸心憂

六月十六日醫士湯貢之來訪持粹夫二月  
十六日書問訊委曲末云關中諸友猶得時  
會此中知己甚少孑孑獨處懷抱可想也感  
而賦此以寄王大敬夫

粹夫豪傑士別我十三年偶出湯生訊因嘆園綺賢  
高蹤無繼步俗調有繁絃王屋神仙窟君應有列仙  
彭麓詩和白坡提學與諸公見過之作

返耕得茲麓習靜欲長年山水向春碧烟霞當暮妍  
結廬垂四壁枉駕辱諸賢遣興沽村酒呼童鳴綠絃  
八月十五日喜明叔見過

長空雲氣靜今夜月偏明且喜高人至猶憐湛露生  
金波搖桂影彩鳳落瑤笙瀟洒王夫子飄飄共此情  
明叔晚至許西適大雨如注予無雨具不得

奉陪寄此

早起板高駕遙遙立泝東客來仍急雨夜去復迴風  
館穀無兼味逢迎賴小童不堪心緒惡愁急耳雙聾

再次客夜一首柬明叔

客夜人寥落孤燈暗復明凶風喧戍角簷雨雜蛩聲  
君固能恢闊予當媿友生更闌渾不寐徒倚益含情

二十二日夜同明叔東齋小酌

永夜復鳴雨與君惟短吟孤燈長不寐濁酒暫相尋  
籬菊猶堪摘園蔬太不禁秋郊禾黍爛轉使百憂深

懷用昭親家

西谿風雅客遺我白雲篇此日煩秋夢何時對綺筵  
有兒新折桂無事只遊仙聞道炊粳釀今予興颯然

寄仲木

夫子今鄮伯高風世所稀總能回舜日端不愧黃扉  
十載留涇野三秦被德輝從來師古志惟爾弗依違

寄用昭

一自草堂別夢魂常見君經旬饒劇雨何日靜浮雲

曲冷吳姬瑟粧憐越女裙泥塗書札斷聲效若能聞

夜坐三首

積雨踈人事閑居自課詩入秋更漸永遣興睡還遲  
謾道花開菊應憐酒滿卮平生蕭散意惟有老天知  
老去多清暇探奇咲葛洪乘風人已遠鍊玉世須空  
但使杯常綠何妨頰未紅谷神如不死吾欲扣鴻蒙  
入夜雨還微更移勢益霏千山暗雲氣萬室閉郊畿  
飽食誰家粟號寒此處衣新來炊爨急先已決雙扉

課子

爾愛文章事應知著力難涵容須有日操縱亦多端

大義如分燭圓機自躍丸果能追古作先向老夫看  
有所思

繫自辭京邑遙遙十六年婚姻謝兒女遊眺歷山川  
總謂終聊爾誰知事偶然憂來唯灑淚魂逐夜臺邊

答客

日日愁霖雨晨興喜復晴小池苔自綠大地水猶明  
藥果封封濕房垣處處傾頗聞原上穀穗未亂芽生

覽鏡

愁裏窺明鏡驚看白髮多行年自驅迫服食謾如何  
有相終巖穴無機任薜蘿平生愛國志何惜酒中過

刈稻

積雨自物廢南莊稻盡翻未能趁碌碡若可屬鷄豚  
場面皆泥滓雲頭半雨根乘除天意闊悵望意空煩

寄北山

水北花無數同誰插坐邊三旬憂積雨何日覩青天  
鄭谷空炊玉廬山謾學仙新詩饒卷帙孤獨自應憐

耳聾次韻

行年四十九颯颯若衰翁涕淚雙睛暗虺隤半耳聾  
壯心隨日改佳興逐杯空隔障聞山鳥何時見此風  
后稷廟

闕殿疑千仞崔嵬當半原蒸民皆爾粒萬古復誰尊  
碧甃連朱厦蒼松偃應門遺封嚴伏臘鍾鼓日喧喧

示稟二首

短髮臨明鏡飄蕭歲已秋傳家非許史昭德有弓裘  
念爾方知學惟人各有謀少年能挺拔於我復何憂  
辛苦遙憐汝慙勤為作歌略陳趨向地應惜歲時過  
志果能貞固行將遂琢磨由來窮達事身外莫憂他

綠野書院作

不到幽棲處悠悠將十春古堂懸見日靜地寂無塵  
俎豆思周禮威儀憶魯頌愧非程伯子何以坐松筠



有懷太微時丁外艱

我憶太微子悠悠魂夢間  
入吟皆爾雅發秀定河山  
春早同遊易秋來欲見難  
比聞居苦次哀慟若爲攀

閒行

四望皆秋水畦塍處處迷  
饑鳥穿穴叫老馬向人嘶  
崖際餘疎柳林間鷺小溪  
村翁猶愛客漉酒喚山妻

閨思

辛苦邊城士寒衣近有無  
愁多腸自斷怨極骨先枯  
胡矢輕金甲饑人憶穴  
鼉紅粧零落盡何日是歸途

邀客

舊日追遊盡蕭條幸有君  
無能消宿雨未可怨朝雲  
燕市茱萸酒秦姬翡翠裙  
共來拚一醉應勝隔牆聞

對菊

不必開三徑聊共一盃幽  
雨中嬌覆砌愁裏豁當眸  
輒欲龍山賞聊同小隊遊  
可知嘉定客今夕爲誰留

九月六日

日日常昏雨黃花空自開  
未能呼玉醴猶自望秋臺  
照檻金蕤細關情白髮催  
如何雲際月偏動老夫哀

燈下

燈下看兒賦簷前報雨來  
已聞周甲子何止足莓苔

消歇文園病清新開府才聊因紆暇日狂簡莫須裁

行酌

小酌從吾志簷花更拂簾已深多口慮空望有秋占  
雲冷郎官鬢霜增處士髯庖厨昨日問無復水晶盃

客至

客至傳鸚鵡秦娥喚不來隔年留洛賦幾夜宿陽臺  
罷舞織羅濕還歌玉樹開白頭慚料理更鼓莫相催

吹笛

吹笛誰家夕關心此日聽懷人俱萬里當戶獨三星  
怨切妾肱破聲流謝氏庭憂來悲首語何物信飄零

清秋二首

舊日風雲志中年卽漸違事因萋菲散人豈咲談歸  
一旦何輕重千秋有是非未爲南嶽使當守北山薇  
忽憶龍潭水噴迴氣轉深虹橋應漸沒鳥道亦空尋  
歲序催予老風雲殫客吟可憐平子賦不是舊時心

漫成二首

閉閣三旬久登遊路復泥啟屨欣見日當砌咲臨溪  
漉酒延村叟烹鷄待饁妻兒童聞客至雙鯉向堦携  
自返柴桑里時時有勝遊素秋皆殫雨佳節總堪愁  
此日能開霽重陽得款留便須整絲竹沉醉許西丘

憶牛頭寺

首夏東遊華因過御宿西稍尋幽處覽深入故人栖  
水竹都堪畫雲烟總合題始知韋杜曲尺五逼天齊

答客

客自何方發殷勤訪我來既能慷慨至切莫等閑迴  
野寺支公榻名都郭隗臺匆匆黃犬嘆不早却非才

對客二首

絲竹憐吾懶尊壘待汝來片雲霄漢沒叢菊小籬開  
積雨難相過當歌莫謾迴請看秋草色黃浦建章臺  
昨日衝泥出聞君在渭園未飽北同小坐空擬駐高軒

夕野牛羊散秋山麋鹿煩漁歌晴自好歸路逐喧喧

對月

明日重陽節霜華又一年薄遊慚貰酒高會即登山  
明月催歸興新詩待綺筵奚童識吾志先具泛溪船

九日

秋後仍多雨霑霑竟不晴豈知佳節至倏使碧山明  
南眺褒斜谷西看三時坪微吟拚既醉或可答平生  
得羨陂子書

故人書札到訪我暮春天屈指幾時至寸心終日懸  
賈生湘水賦李白太山篇此意淒涼久非吾誰可傳

次張闇夫見過之作

獨好中林隱因家清渭川園開溪蓋處山合水西邊  
曲藝明時棄長歌稚子傳已深踈曠志不是欲遊仙  
同胡世威坐話

羨爾烟霞客常來慰老夫丹砂休自秘玉笈故難誣  
春老安期樹雲深郊子壺何時歸小有爲我饌雕胡  
自丁多雨累月不至許西今忽晴霽得遂所

懷偶成

掃榻開珍宴徵歌當素秋山含斜日翠亭對晚雲幽  
壯節摧雙鬢年華逐細流憑高時極目車馬憶嘉州

雪後至許西別業懷明叔

咫尺棲遲地經冬未得過豈緣閒日少故畏北風多  
雪霽看巖立雲開扣竹歌遙知東谷子天上已鳴珂  
許西夜歸

暝色暗川原籃輿返賁園野花迎夕露新月照秋軒  
醉覺綸巾岸吟憐鳥語喧匆匆百年裡佳節幾拔援  
贈程鍊師入蜀

汝從南嶽至早晚發君山定有長生藥應留童子顏  
白雲巫峽道紅葉益君關此去逢元放匆匆莫便還  
五楸亭坐作

堂山集  
卷四  
亭上秋風至階前黃葉多無情聊有作破悶且當歌  
野老過杯酒厓陰下薜蘿羊華如此逼驅遣法如何

贈朱公垂

我欲山中去聞君浙上行青袍半生隱多服十年榮  
冀北故人意關西循吏名便宜沽酒坐不必計深更  
十日夜喜南川至作

謝邑歸桑梓欣能及孟冬笑談俱爾雅脫畧見優容  
有弟苟如此爲兄未是窮擬令逸士傳千古嘆荀龍  
五叔壽席作

頌禱闐佳宴笙歌入夜清雲輕寒雨驟風靜燭花明

觥爵頻催酒更籌暗轉城天祝俱在眼寶樹接蘭英  
寄徐用先

不接東巖久人傳返上京風冰常在目間闊正關情  
此日經綸噐千年豪俊聲西風霄漢上試聽出羣鳴  
雨中柬德光

仲冬猶作雨淋瀝轉過秋萬里俱重晦千家如繫囚  
幸汝能歸國嗟予未博遊徒多山水意惆悵未登樓  
宴德克

此日宴吾弟天親俱在筵却忠連歲別益重有生緣  
義忝蘇家軾遊憐馬氏遷籃輿循黑水何媿地行仙

答孟獨兼聞明叔

忽憶南山賦驚看又入冬幾時同倡和重與見從容  
彭麓殊非昔經臺興頗濃不知河內客早晚到雲峯  
仲冬十五日同北山於長洲叔宅宴集

此夜看明月金波忽滿庭若非拚劇飲安不媿清醅  
曲藝斬明世閒情托小亭百年強欲半誰識少微星  
小齋圍爐次浩然韻贈太微

關輔知名士惟君才獨雄何當垂老日重見古人風  
懶赴宣房詔虛勞漢使驄平生經國意微見笑談中  
同太微登稷廟觀眺

愛爾素心者同來吟翠微川原餘霽雪臺殿宿晴晞  
掃石探杯久排雲過雁稀夕陽雙轡下惻惻與心違

十七日夜內宴

雨後坐中堂熒熒燈燭光佳兒能索賦舞妓競催觴  
老境情無賴閒身醉不妨夜闌明月上逸興復徜徉

夜酌

東風催暮雨忽忽到更闌自喜林花折誰秋溪路難  
寶漿濃碧椀羅袖怯春寒舞罷燈前雙雙撥紫擅  
聞蔡承之遷山西憲使作

美人新命至不日去關西偃蹇經綸久淒涼岐路迷

良朋着又別佳會杳難稽若待春風發應留華嶽題  
送陳伯行赴高縣典史

長亭一杯酒念子欲孤征久識驚人論誰憐出世鳴  
瘴烟巴子國賈布灌江氓若過眉山下休嘆芳草生  
二月十一日同德克弟懋許西觀杏花因共

小酌

出郭望精舍滿墻皆杏花香風當戶合艷影入林斜  
日煖烟生玉春晴錦映霞興來呼酒坐不必問年華

經符園作

憶自前春宴經年未得過日當高會白花向曲闌多

野老傳杯酒佳人轉艷歌無端殢人事西望獨蹉跎  
贈應章方伯赴山西巡撫

自到關西日間關忽六年山居憐數過微省見三遷  
又向雲霄去空悲几席連河東凋弊事大約似秦川  
曉過汝言空

高宴出春盤朱簾護曲闌我爲鷗鷺侶君薄鷄鷄冠  
喚伎調新譜呼童滌紫團金杯莫停手渴有蔗漿寒  
扶風訪張邦彥不遇

子謝晉陽役子爲江海人烟霞息壯志瀟灑絕氛塵  
久識還丹論慙非辟穀身相尋不相見空望白雲濱

龍尾坂作

籃輿度龍尾陰壑晝生寒不覩山川壯安知天地寬  
小橋舒細柳春澗漾鳴湍方憶浮丘叟巖西下鷓冠

夜坐聞歌

靜坐聽歌聲絃危調轉清寒泉晴濕玉春樹曉啼鶯  
倚和慚予拙悠揚感客情白頭誰料理聊且慰愁生

道中見洛陽女子戲馬

別院醉羅衣籃輿返翠微蛾眉嬌戲馬驍騎轟爭飛  
平野融沙軟春郊淑氣圍知非乍柳日端送老夫歸

鳴岐宅同岐東宴集

復過鳴岐舍同聞燕燕音佳辰須盡醉白髮已相尋  
大覺者原寺還丹想杏林古人今不見行樂任吾心



對山集卷之四終

對山集卷之五

五言律詩

薛陸鎮望昭陵

北望九峻殿鬱葱臨闕宮鳳姿猶厚土龍戰咲群雄  
未覩貞王畧安知至德隆回思慶善樂逝與大風同

張村西原

此原吾復到東下入張村濁浪吞風起穠花映日繁  
人烟從望密生齒越經蕃喜見西崦樹依稀似石門

王汝易家席上作

再過王生第北園欣構堂通家憐我老接武俟君翔

夜席移歌扇衰顏得酒觴隔年常坐此爛醉亦何妨

高陵道中懷呂仲木

寂寞高陵縣慙慙懷大防義於昆弟切情視范張長  
累辱融音問聊能達報章總令瞻第宅那復共徜徉

陽屯徐家少憇

名家吾屢過春日苦多風舟楫臨交口塵沙似洛中  
小園翻落絮隔樹墜殘紅坐愛草堂靜籃輿奄復東

渡渭

吾亦愛滄洲春風信所遊不須歌桂棹渾勝坐蘭舟  
濁浪排風起輕帆及岸收稍東瞻太華遙在碧雲頭

十六日南川月臺集

此夜對明月聞歌引興長可憐千里意連接數宵光  
一醉何妨思高吟豈是狂年來嗟老至欲共學雲房  
贈朴菴宋尚素榮推順慶

渭南

春風歸客去千里望金川地渺青牛峽雲生紫閣天  
薄書勞郡職訟獄繼前賢若說于公政惟君諒不難  
渭南烟霧裏黯淡若為看嶺樹低籠日山風遠送寒  
水曹猶有宅民部自遷官可惜姚江守春風欲見難  
渭南獨坐懷李世美

往日華山吏懇勲曾問君累年无一字於我異前聞  
生計終安託途窮諒有云漢廷脩大禮誰薦長卿文  
赤水人家見牡丹作

尚喜花期遠此村先見開同遊盟不逮獨坐意空猜  
嫩綠團枝細深紅接葉嵬可能亭子上吟望一啣杯  
過劉水部故宅

水部風流古云亡亦有年重來因問訊孤坐思凄然  
孫子猶儒服門牆托市廛向時豪爽論誰為世人傳  
望驪山懷孫天佑

客過驪山下悠悠懷故人可憐三載別又復一年春  
綉嶺花如砌西村賞更新白頭思往事吟望欲傷神

### 華清宮

輦路黃塵滿宮雲夕漸生向來瞻碧巘那復見朱楹  
勝地存王畧離宮有令名不知戲下泣可似華清行  
涇陽道中懷懋君

官舍草初青君應坐小亭謾吟誰共續高論我常聽  
莫歎馮唐老終期阮藉醒由來丈夫志唾手出青冥  
行次灞橋

自咲客行久悠悠臨灞川感時徒極目遣興謾成篇  
氣槩因周勝山河入雍偏五陵佳處望大約漸非前

望山集  
卷五  
滻河坡上望省城

晨飯灞橋館倏然臨滻坡斗城一帳望層觀鬱嵯峨  
形勝非今好繁華比舊多若微二三子澆薄柰予何

望款湖城東別業

自出華山道時時懷此翁名園春定好佳節遠誰同  
社稷思君實文章畧季通望中歡喜極若坐小樓東

鹿苑懷太微

鹿苑何王殿明時尚賜秦芳林春礙日幽草晝眠麕  
畎畝餘生計乾坤信此身西京誰欲賦韋曲有詞人  
望龍池懷汝濟吏部

小殿俯芳林丹臺挹翠岑重來多好興孤眺愜春心  
時序闋華髮丘園愛短吟如何韓吏部已放二毛侵  
至薦福寺

遙望薦福寺脩脩松檜林我來瞻寶地間坐淨塵心  
塔景冲雲直階花入座深老僧新出定迎望薜蘿陰

望鄠

客謝鄠橋道逶迤紫閣陰雲霞餘夕照花柳暗春林  
燈火城中出星河望裏沉不知王逸少何處賞偏深  
春雨亭與羨陂子坐作二首

結構俯春林菲菲草徑深我來題素壁君已出豪吟

蔓轉花移座藤踈碧映岑清音依約裡竹外有鳴琴

其二

迤邐逢良覲胡為感慨頻笑談終永日眺賞及芳春  
押座纖羅密當歌翠袖新窮通百年裡何異夢中身  
漢陂宅逢歌湖

方作城南別重為郟杜逢豈期塵霧裏今日見人龍  
邂逅非无意醜醜諒可從明朝予北去何處望仙蹤

水北山房作二首

水北君歸隱匆匆十五年我來重極目疑似岳陽川  
樓閣參差裏亭臺杳靄邊鳥聲聽不盡花底有鳴絃

其二

昔也予過此群公半已無往來成感慨時序別榮枯  
翠篠依岩出朱英接座殊更看回合處烟霧暗藤無  
山寺二首

其二

翠壁天關迥香臺絕磴開朝來瞻勝地身忽坐蓬萊  
極北秦雲渺微南渭水迴終當謝人事結屋傍巖隈  
石樹懸雲細禪堂伏檻微巉岩一逕度哀壑萬山圍  
仰視天光狹遙聞瀑布飛循巖歸近晚香霧濕人衣  
過伊殿

過澗復東征村烟裊裊生綠陰雙樹合紅日半岩明  
老境多遊事長途厭酒醒惠連詩思逸合伴阿兄行

經暖泉宅

二曲交遊客如君信不多幾時違咲語荒塚已烟蘿  
却望題詩處其如灑淚何謾看憂樂事千古一南柯

十四夜白閣宅宴集雨霽見月

此夜中秋月依然入座圓儘拚埋積雨還自揭高天  
綴葉明珠露窺簾落綺絃莫言光未滿先醉酒如泉

午霽發彭麓

復從車馬去何以遂襟期始信山林趣全歸燕暇時

霽雲隨望溥流曜落秋遲不及東巖子常啣濁酒卮

過春雨亭作

再過此亭下森疎真可人樊墻俱勝昔花柳忽如春  
總得林間趣偏宜物外身修篁軒後出何啻萬竿新  
十五日漢陂宅行禮積雨之餘忽覲開霽喜  
而有作

昧爽雲猶薄中天日更明發祥端有自似德固生成  
事已懽逾劇歸餘思轉清蠡斯頌有兆何用卜君平

夜坐

夜坐欣開霽飢鳥猶自啼山風吹白露添水截紅霓

不寐看星斗因晴想杖藜西堂如散步還擬作詩題

夢覺

夢覺蛩吟夕看雲雨脚收此時真可惜昨夜不勝愁  
秉燭看兒女呼童貰酒籌明年冬十月仍放戴逵舟

四鼓夢中聞雨聲

夢裡鷺鳴雨鄉心太不禁已看含夕照何處變重陰  
淒切浸堦猛汪洋灌壁深西歸定何日坐起欲沾襟

贈壽夫赴鴈門

少日忘年及如君復幾人父要恒入夢一別已傷神  
代轄瞻須公此慈闈望已頻若能清塞北即此報靈椿

寄蔡小承之

懷抱勞深明心慙懃出報章林間如往日海上得奇方  
白酒杯中物未顏醉裡狂无能聞聲歎惻惻使心傷

其二

歲暮慮君宅同君意亦悲此時常涕淚何日更追隨  
即有賡酬信却非藥石資夜來者副劄傾省得吾師  
禹夫携酒過訪有作

我阻西風雨君常貰酒過談玄情不厭炊玉事如何  
梧影團珠露山雲徧絳河醉時還起舞安得魯陽歌  
夜坐

對山集 卷五  
醉客挑燈坐中人咲我狂兩句留鄆曲幾度對紅粧  
伏枕蛩吟斷驚心鴈陣長何如王子晉笙鶴上雲房

渡滂

久客深愁雨予今復渡滂中流無桂楫拍岸有鷺濤  
雲鷲勞仙令清帘過水曹烟村懸日影清渭待鳴艘

陂頭

回首雙流細森以萬木長遶溪蒲粉落夾路稻花香  
所向皆殊絕平看却渺茫幾時同鄆叟伐竹構茆堂

十二日早作

歲華吾亦老兒女喜俱成暫學人間事那知世上名

綠尊麾更酌郢曲唱還賡為問王夫子還應共此情

答太微贈予遊華山之作

予向華山去感君遙贈吟豈必方平技方知曼倩心  
午烟迷素澹夕霽帶長林若問西歸日煩聽笙鶴音  
臨潼道中喜聞汝温中丞尚在華州

九日予遂鄆聞公已去秦豈知絆王役復得見情親  
名岳應憐客佳期如待人到時須向晚好醉華山春  
華州逢楊重夫

一自京華別悠悠十七年形容常入夢咲語竟无緣  
豈憶窮冬日相逢華岳前无能共杯酒相對益凄然



寄孫成夫成夫有書予聶華州東之言欲寄  
問於我恐以險夷見忌故寄此詩

成夫為別久相見杳難期俱是栖林麓何勞別險夷  
入秋書屢發經歲夢應知近見工曹掾慙慙托此辭

華州逢楊使君

鶴洲天下士會我華山陰雖抱藩叅牒元多芳草心  
烟霄看玉立春晝自行吟誰肯日逢萊侶因君感慨深  
渭南逢楊靜脩韓丞乃夫孟望之三君子

詣華情空切相過意已深那知百年裡又此一沾襟  
兒女方粗了存亡忽見尋吾生何日定對酒若為心

華陰道中

素志在山水尋常懷此峯那知青玉障天擁翠芙蓉  
昔別猶彈劍今過忽杖筇從來丈夫意爭寒日相逢

贈平田

不見平田子匆匆已二年再聆絕交論應咲養生篇  
晴日園花細春風澗柳綠不知遊樂處誰是竹林賢  
與太微夜坐

小酌初臨夜聞歌心轉驚風流得吾子蕭散見平生  
韋曲花應好甘泉賦已成憐君抱竒器不肯戀時名  
野田東溪二先生錢子西郊賦此為別

自咲野人僻敢動長者車春郊相贈罷握手重躊躇  
節序催華髮星霜托隱居尚期笙鶴後同訪八公廬

臨川寺與鄜令王念覺夜坐

多君省春野逢我遇仙宮共宿臨川寺徘徊及夜中  
絃歌興漢邑恭儉即邠風更聽憂時論何慙砥柱功

至張氏園庄

仲春今日盡吾駕始旋東共坐名園下身疑金谷中  
柳絲嬌欲墜花片落猶紅淺酌非吾意煩君念鬱葱

終南路氏少憇

不到幽人舍匆匆又五年檻花交砌密園果出墻懸

夾路皆清蔭堂階過碧泉微風沾客坐吟望興翛然

再用漢陂韻答希大

羨君天下士猶戀碧山遊盛世須英物明珠肯暗投  
秋風桑柘里晴日鳳凰樓語及箕裘事生兒已食牛

是日將晡東谷方致問于予尋得延孫來報  
病且亟矣亟趨診視則東谷已矣追惟初戲

變成瞬息九歲孤孫萬年長計舉目痛心路  
人不堪况此骨肉口占短章以識孤痛

方為一咲謬遽作百年歸孫子孤猶稚宗親遠更微  
重淵无返日兩地有音輝遺我關心淚淋漓若可揮

靈寶逢劉養和

君向甘泉去逢予滯魏州再來絕一見為別已多秋  
回紇馴終易邊關計可憂屯田見餘論試以達宸旒

靈寶哭楊守象

揚生風雅士愛我忽忘年不意修文去空餘秋水篇  
靈光還五岳寶劍挂重泉埋玉秦山下予來獨泫然

同徐文華南汝澄夜集

旅邸遇諸賢青尊開夕筵徒歌雙調曲那復廣陵絃  
潦倒嗟予蹇風雲望汝騫平生極幽意誰為老夫傳  
栗為許邀萬柳在集夜坐率爾有懷

汝向名園去佳遊興若何柳溪須對月花塢且停歌  
不寐杯空寫微吟思轉多老來心數及徒倚立庭柯  
靈寶客邸逢慎之

客滯燕臺久春深始到家里鄉鷺見汝歸思渺无涯  
但酌弘農酒休言杜曲花我來應首夏知剩幾枝斜  
柳溪

坐君柳溪上日暮杳忘歸春色連芳草曦光轉翠微  
喚魚罾尺鯉命酒上層磯乳燕亭陰過雙雙拂客衣  
留別象賢

每恨經年別因成彌月留喜看文思好直向古人求

健鷲乘秋奮明珠待價長洛中多俊士惟子出群傳

栢底別徐伯傳

君從山東去將行復送予通宵談栢底傾蓋意誰如  
汝因雲霄士予空潦倒儒公來若騰踏早寄老夫書

贈德章

今日辭君去何時復見君柳條皆弄色池水亦生文  
貧賤丈夫事聲名今夕聞工官有住勝泉石共君分

重至沂東同仲木作

漳上天將夕臨風興不休西颿飛絮雪絲蕩矢春愁  
細浪窺魚躍殘枝信蝶遊主月尊當綠水吾欲遂窮流

其二

胡床柳下坐就水得清陰拂霧看山鳥乘風鳴素琴  
人閒心自寂花落景知深童子傳鮮鯉遙遙過竹林

蓋屋別仲木

君向終南去予當遂北歸名山不謝客風雨動相違  
握手情空劇看花興已非思君何處急明月下春扉

簡見山方伯

不見楊夫子悠悠已十年仍因兒女事更會繞公川  
素節秦雍誦高名宇宙懸心不堪明日去握手重凄然

元日于奉天謁凌心菴先生

旌節三邊至風霜萬里勞  
犁庭報明主却步是人豪  
京口停歸楫承明卸錦袍  
平生只如此深足慰時髦  
二日醴泉道中

曉發醴泉道依依瞻九嶷  
入古人已陳跡謾興想休風  
帝業紅塵盡皇圖紫電空  
勞勞亦何事咲爾萬夫雄  
于醴泉再別遼公初

義分詎云盡嚴程難久留  
世人皆縷縷夫子獨休休  
海自兒童日承顏今白頭  
願將百年意早赴五湖秋  
自王官谷晚至於祚寺呈謝劉二君子

香梵予來晚沿溪歷漸深  
祇林餘夕照碧殿俯春陰  
啼鳥催幽寺落花淨客心  
猶憐函谷月不傍老夫吟  
於延祚寺曉望五老峯同方山龍谷作

旭日香臺綺川依稀見遠峯  
蒼烟迷度鳥深澗抱寒松  
小華名空誦方山賞詎逢  
雲間聽笙鶴在在遠塵踪  
五星一湖同謝劉二公汎舟

昔懷雲夢澤今汎五星湖  
萬艇林稍入雙魚水際呼  
榜歌喧遠岫山色倒懸圖  
即此歡無極何須載玉壺  
寄題起中尉南溪

中尉文皇之裔南溪近竹居  
琴書隨舞鶴榆柳夾巾車  
觸雨金波淨迎蟾玉竦舒  
平生愛幽思對此謝躊躇

卷五  
十一  
靜林寺別張秋官康甫張侍御運夫

我怯春餘熱君猶送我行湖光迴白鷺節候入朱明  
小徑風沙合層臺烟霧橫遙看靜林寺若可學無生

靜林寺別黃舉人時遂

寧親過大郡開秩見閑情頗好老夫僻誰憐仲子名  
雲霄看竇見球文彩咲長庚屈指春闈是懸聽萬里鳴  
微雨獨坐憶德克

雨中無客至獨坐試微吟忽見桃花發不知春事深  
天紅浮綺席佳氣轉芳林明日同沽酒長歌眺碧岑  
去暮同舍弟德克德一邀邦獻通州季醇朕

吉季隣三進士及齊人天爵同遊何秀才疑  
之園林

追遊忽春暮歡賞得名園喜與英豪集猶欣花卉蕃  
歌兒嬌送曲野客醉看原似此林亭勝何須羨鹿門

其二

絲竹聲如沸清冷酒若泉總能拚爛醉猶恐負韶年  
幕燕青蘿細窺魚碧荇圓竹邊雙伎出迤邐似遊仙  
德克邀諸君泊子宴集北園作

復過此林飲那知入夏初小籬梅間柳曲徑水通渠  
竹裡移歌扇崦西下鹿車徘徊天欲暮握手重躊躇

其二

老境宜林麓晴川飲興饒玉桃擎鳳管紅拂度鸞簫  
嘉樹濃陰合崇嵐細靄飄謾看花下客雙鬢各蕭蕭

其三

翡翠林坳度黃鸝巖外啼吾生非落寞佳節每攀躋  
興劇呼童舞賓來聽馬嘶許西春酒熟明日更長携

再過何園

頻遊非殫酒良覲自難常老境嗟還健佳期幸莫忘  
川原餘夕照亭榭尚春芳願盡今宵興休孤明月光  
聞德元在比庄詩以問之

今日聞君駕樓遲向北庄我來思問訊何得共徜徉  
結屋依巖好栽花入夏芳落成煩及早吾欲載長房  
贈李鍊師

子有青萍劍寒光逼斗牛頗嗔相見晚仍喜坐談優  
欲令无勾漏探竒得秘丘他時遊五嶽笙鶴任淹留  
寄王鍊師

六載空相憶三秋尚未逢還丹應已熟雲鳥竟難從  
近識壺丘訣慙非元放容不堪塵事後軀骨日龍鍾  
聞望之來

候吏傳書至懇懃望使車好懷知共遣豪飲近何如

細雨沾征旆高風憶上書  
恠來瑞雪氣先到尹君除

江景

昔經涑湖水今憶武昌遊  
萬艇雲中下三江天際流  
漁歌蓮葉浦鴈度夕陽樓  
應咲浮名客勞勞何日休

二十七日邀諸公賞花呈姜明府

昨日牡丹發慙慙遲客看  
未嫌村酒濁端恐檻花殘  
雲濕鶯聲澁風高鶴背寒  
仙鳥知欲下徙倚立層巒

沂東亭子間坐

前日清明雨予來坐小亭  
烟雲千嶂合楊柳滿川青  
欲賦無朋輩聞歌有醜醜  
角巾經濕墮轉見意娉娉

其二

掃地坐芳草闌斑如錦茵  
况有青蓮幕偏宜烏角巾  
經綸辭壯志萋菲得閑身  
不作醜醜飲桃花亦咲人

許西雨中夜歸

客醉許西酒夜歸風雨來  
翠蛾愁不放駑馬跌仍迴  
經濕花逾好當簷霽忽開  
可憐前夜月綽約為誰哉

三宴世爵堂

春遊莫辭倦燕坐有芳尊  
且共徐斟酌因之聞討論  
月華低入座星斗燦當門  
語及先人事何能陳溼息

經橫渠綠野亭



祠廟松杉占空梁落日寒  
我來瞻閣像若可障狂瀾  
世道思周禮王風惜考槃  
斯文如未喪述作為君看  
贈惠逸人子新

昔遇太微子謂君吟思清  
芙蓉出秋水沆瀣浥金莖  
既覽旅懷作益憐時輩名  
子將宅王屋挈汝嚙雲英  
三月四日自家抵湯泉宿山亭作

夜聲奏竒響客居非寂寥  
曉窓浮曙色淑氣正春朝  
放志非巢許安時托舜堯  
西崦望樵採彷彿在雲霄  
湯泉亭子小坐

山雨幸初霽微風猶峭寒  
峰高常帶雪湍激不成瀾

野鹿含芝過山鷄隔竹看  
碧桃多半落山石可柰春殘

巖峒

巖峒昔年好亭亭嘉樹圍  
春風惟草綠<sub>山</sub>逕帶殘暉  
卜築心逾切遊遨願不違  
微吟天欲暮<sub>山</sub>感逐雲飛  
直空寺

拂霧尋山寺籃輿上轉輕  
曉雲生石細旭日映巖明  
梵磬遙空出天花夾路迎  
何須似摩詰方是學無生  
石上獨歸

石上看山坐興未仍自吟  
落花知客意故與報春深  
尚有草堂酒慙无鄭谷音  
聊得拚一醉和月卧雲林

步月

翠岩微雨後月色轉堪憐映水光逾白當空魄未圓  
步簷歌窈窕倚杖問嬋娟若肯分靈藥子將待石邊

壽野田侍郎

名以三朝重身由小豎歸窮通隨倚伏屈仰轉光輝  
仙醴浮金盞天香落壽闈九華聞已熟莫嘆彩鸞飛  
寄彭將軍西寧守備械也兄弟列鎮俱有將才  
聞道西寧帥新來節鎮雄瑀弓射胡月宛馬憶秋風  
自欲天山靜誰希漢將功九重有徵詔應下建章宮

辛卯正月過澣西趙秀才同兩甥佳示

不到已十月新春欣一來小亭梅欲折深院酒初醅  
咲我空遲莫嗟卿數往迴可能復乘興同眺水西臺  
過長安懷太微云往少陵原種麥

苦意與誰道蕭條空復東長途无暇日華髮畏秋風  
過雨看山迥乘霖播麥同重呷回首是留醉待山公  
簡闡華州

雨霽山逾翠聞君遊華峰佳期吾屢失逸興子還醲  
尚待明春約同扶九節筇直教凌絕頂細玩玉芙蓉

壬辰三月一日步過澣西看花

又是花開日子來愜所思芳香渾似昔妖艷未分隄

滿酌何須舞微吟尚有詩春光如愛客暫待最高枝  
朱侍御兩崖山房

侍御神仙客山房傍石開乾坤浮爽氣日月翼層臺  
每見經時疏因知絕世才從來治安畧原不在塵埃

贈相士戴鵠

君豈九齡後翩然幽思多衰殘吾已久骨相法如何  
果有徐卿兆當欽杜甫歌東歸逢蔡老為語未蹉跎

十一宅宴七夕

不與竹林宴今垂十四年早時聞改郡計日可遊川  
美酒喜初熟佳期恨屢遷兩餘新月好先醉緒風前

寄熊子脩

獻子中州彥才名世不如左遷得吾郡上論有公車  
康濟原初志文章亦緒餘憫子垂老日數到問兒書

贈陳必豐

昔年遊涑渚聞子在河東恨不承高論徒令挹下風  
吏因趨蜀定才用濟邊工珍重行西隴人方覲晉公  
王季隤瀕行阻雨喜而賦此

嘉客凌晨去秋霖故故留昊天如有意箇老復何憂  
安恨睽違久无能繾綣遊看雲歡欲倒喚婦具盤羞  
寄語和之

偶遇清溪子因知達士心雙魚勞問訊千里欲追尋  
秋水澄湘澤春風發鄧林何能坐鹽海令我識知音

季隣行有感

自別溫恭士年來入夢頻清秋承過訪白日覩陽春  
秋雨留歡洽通宵藉討論相親復欲去耿耿倍傷神

寄翟石門

今日汧陽發知當宿鳳翔中秋亦何幸同子浥清光  
巖外來旌節雲間下鳳凰白頭踈曠久徙倚望原岡

華州贈龍坡太守

豈第知名久東來始見君相逢承至論合我浥清芬

浩翰長河水崢嶸華岳雲丈夫生盛世及早勒鴻勳

送陳益瑞

朔風吹溼水送子返潯陽詎以離尊薄能紓別意長  
江天澄霽雪衡浦下輕霜珍重風雲事重為吾道光

九月二十一日德清祭唐山先塋

先德名閔內諸孫媿發祥松楸聊守護亨獻托莢墻  
三載二千石十年一瓣香昂昂喜若弟足以見流芳

奉天別漁石司寇

臘日暖如春君歸謁紫宸一尊奉天酒千古五陵人  
劍佩動邊遠風雲入夢新明時逢聖主令世浥清塵

寄壽邢母

近日觀風使賢郎獨擅名熊丸勤昔教鳳誥逖今聲  
八袞慈闈福三時令子情瑤池靈藥下可上百年榮

九日

九日生幽思令予頓夙興呼童開菊酒掃徑待雲朋  
名苑茱萸會佳園桑梓情瓜畦抱亭子落落愧東陵

候湘崖過草堂

不見湘崖久相思空自深何時同咲語老去惜知音  
既有長房訣休爭漁父吟佳期應早晚掃石候松陰

出門

出門春色好滿目是娉婷桃柳川原合烟霞岩谷平  
无朋空載酒有興謾徵聲却咲劉夫子勞勞惟曠名

寄菊東甯相國

相國三巴老風流欲見難隴雲空萬里蜀道隔重關  
服食嗟予晚刁圭羨子安何時慰幽獨天際有青鸞

答德充

岩際見桃花欣予樂事賒佳期誰易得逸興我當誇  
不作連朝醉應留後日嗟惠連識吾意揮翰發天葩

五言排律

十四日得舍弟消息云七月念四日已起

此日嘉州使傳聲謂汝來道遙將兩月凝望倏千回  
浪指寧羗信空營駐馬杯咲言今始得懷抱遠同開  
李愿非幽士岑參本絕才月明巫峽賦端合為君裁

聞浚川將至

忽遇皇華使知君已過關隔年愁正劇徹夜飲須拚  
聖主思君實蒼生望謝安鼻倫敦更好時日逝宜看  
早畢風雲事同君玩九丹

贈南汝登

我昔登科日尊翁已位郎衣冠趨紫極光彩動文昌  
一別星霜屢相過意緒妨鳳毛今見汝龍種故能強

抱藝何憂晚藏脩久自償  
初公原識項季沉亦稱王  
努力風雲事重留三輔光

十七日遣懷

春堂賓客散獨坐意俱遲  
揆榻悲生事支頤慰所思  
挿梯猶有實種桂却无枝  
立十苦垂華髮年方見此兒  
總非橋梓意詎省蓼莪詩  
積善綿餘力徵天味所期  
調停仍取崇咲語動成疑  
教育師先避將迎客詎隨  
念惟齟齬日不少腹心時  
一自濱親逝經年習間離  
乘除須有數傲蕩願如斯  
陶令空谷儼尹公當愧竒  
因緣知己定懊惱亦何為  
身外皆餘事燈前莫太痴

傷思不吾忍，容性信渠之。但取杯中物，從容咏此辭。

奉壽東京老先生

間氣扶鴻化，昌時得年儒。我師閔輔彥，高義古今逾。  
執禮欽程伯，言文陋董狐。數竒場屋蹇，道在性情俱。  
未薄常州幕，何慚楚澤虞。居貧餘豈弟，望重極樞趨。  
桃李乘春徧，芝蘭接歲殊。素心原不染，積玉詎求沽。  
遲日明仙館，靈光拂壽圖。願滄千載藥，與世作規模。

寄仲木

不見呂夫子，三秋倍惘然。陶潛杯斲廢，徐孺榻空懸。  
景邁音逾滯，情幽帛未傳。曩聞停藥裹，今覩富詩篇。

賈誼哀湘水，楊雄上太玄。群趨方緬緬，孤操益蠲蠲。  
道以无思泰，才因倚俗偏。聖狂同偃蹇，條貫異純全。  
中尉歸何早，司空晤不延。憐君滯江國，何日是歸年。

寄佩玉

與子長安別，因知靜者心。觀風報明主，聲價重南金。  
愧我踈慵客，而多空谷音。看雲尋碧草，習靜卧蒼林。  
竟欲徵王燦，予當詣漢陰。

送王伯聲

凋敝關河劇，調亭得異才。澤方潛被物，官已倏登臺。  
三楚陽春至，中天正氣開。旬宣歸旦奩，翰墨陋鄒枚。

不及臨期餞空思轉節迴范公終去蜀謝傳待遷台  
聖主元元慮微公孰慰哉

長安別雲夢侍御

我東遊華山逢子長安陌喜見楊柳青共坐寒芳碧  
桑落出名家斟酌渺今昔道合茂二難情親欲千石  
夕烟生遠林前旌指玄壁握手難久留知君有佳適  
明年報天子再訂仙掌席

六言

與歌湖子過龍潭小坐西望見東谷子方從  
坡道馳下

幸觀龍潭新漲即看驄馬西來佳地豈宜獨賞好懷  
今擬同開歲月去如流駛登臨何似含杯若待辛夷  
花發應憐飛鳥難回

北山庭內望月

倚仗獨看明月傳杯並拂瑤箏檻底風光如畫階前  
咲語忽驚別院晚梅將發天涯芳草初生往古豪華  
如幻方來歲月休輕

其二

昔宦同朝御几今歸共隱雲山人海繁華易歇虞淵  
斜日難扳幸覩新來俱健更乘莫節微閑一咲宛然



前度石壺聊慰衰顏

零口西堡望見驪山

行次零口西堡原崦忽見驪山赤日黃塵天際蒼山  
碧樹雲間春暮芳花未覩雨餘濁浪猶潺太息獨思  
往事微吟且慰衰顏

普緣觀眺次仲默

地僻柳條初綻春深小桃未花草房凹口雲散蒼翠  
山頭日斜傍壑數椽僧舍隔谿三老人家龍窟千尋  
俱水蒼烟四望無涯  
對山集卷之五終

律